

陳寅恪

蔣天樞
撰

先生

編年事輯



上海古籍出版社

(增訂本)

蔣天樞 撰

陳寅恪先生編年事輯

增訂本

上海古籍出版社

陳寅恪先生編年事輯(增訂本)

蔣天樞 撰

上海古籍出版社出版

(上海瑞金二路 272 號)

上海書店上海發行所發行 上海古籍印刷廠印刷

開本 850×1156 1/32 印張 8.375 插頁 6 字數 158,000

1997 年 6 月第 1 版 1997 年 10 月第 2 次印刷


印數: 8,001-18,000

ISBN 7-5325-2189-3

K·240 定價: 16.00 元




陳寅恪先生 (1890-1969)



蔣天樞先生 (1903-1988)

《陳寅恪先生編年事輯》抄稿



陳寅恪先生編年事輯 上册

民國二十五年丙子（一九三六）先生四十七歲。
一九三五年五月二十三日，在上海法租界...

蔣天樞先生增訂手迹

出版說明

《陳寅恪先生編年事輯》作為《陳寅恪文集》附錄，曾於一九八一年由本社出版。當時因種種原因，原稿個別地方有所刪節。書成後，蔣天樞先生又發現了有關陳先生的若干新的資料，並改正了書中的一些錯誤。此次出版的增訂本，一方面據本社王勉先生過錄、保存的原稿刪節部分，恢復了書稿的舊貌（原刪節文字加標“〔〕”符號）；另一方面又依章培恒先生提供的有蔣先生親筆增訂文字的本子，對原書進行了增改。原書中陳寅恪先生二篇講稿現仍保留，作為附錄一。另補充蔣天樞先生所撰陳先生生平文字二篇，作為附錄二。並請章培恒先生為本書撰寫了《後記》。

上海古籍出版社

一九九七年四月

題 識

余欲纂“寅恪先生編年事輯”已數年，悠忽蹉跎，今乃得從事輯錄，距先生之逝世已將十周年，余亦老矣。追懷一九六四年夏謁先生於廣州，復承教誨，一別遂不獲再見，慟何如之！所知粗疏缺略，不敢名曰年譜，故題“編年事輯”云。茲所紀述，凡在光緒十六年庚寅先生出生前，有關先生家世、祖、父事跡之紀述，題曰“前記”。先生詩文中年月，多著舊曆。其癸巳元夕詩有句云：“先生過嶺詩爲曆。此是南來四上元。”今所紀述，以用干支紀年爲主，遵先生意也。先生論著已悉交出版社，故未能撮舉。僅著編年目錄附後。尚希知者糾其繆誤闕失，所深望焉。一九七九年六月二十日受業蔣天樞敬識。

拙稿承錢默存、張公逸兩先生暨家屬及先生的助手黃萱惠予指正闕失，藉免愆尤，謹致謝意。

目次

| | |
|-------------|-----|
| 題識 | 1 |
| 卷上 | 1 |
| 卷中 | 59 |
| 卷下 | 145 |
| 陳寅恪先生論著編年目錄 | 191 |
| 附錄一 | |
| 清談與清談誤國 | 207 |
| 五胡問題及其他 | 211 |
| 附錄二 | |
| 陳寅恪先生傳 | 213 |
| 師門往事雜錄 | 235 |
| 後記 | 255 |

陳寅恪先生編年事輯_{卷上}



前 記

先生高祖父諱克繩。克繩父騰遠，字鯤池。始由閩之上杭遷江西義寧州（今江西修水縣）之竹垞里。曾祖父偉琳，字琢如。國子監生。先生《先世中醫之學》文中所謂“以醫術知名鄉村間”者。以子貴，贈光祿大夫。琢如公既精醫術，復以之教其子孫，以故三代皆擅中醫之學。

先生祖父諱寶箴，字右銘，琢如公第三子。生於道光十一年辛卯正月十八日。以附生舉咸豐元年辛亥恩科鄉試。嘗從父辦義寧州團練。咸豐十年，年三十歲，入京會試，不第留京。值英法聯軍陷天津，入北京，火圓明園，於酒肆遙見大火光，搥案痛哭，驚其座人。次年，南歸省母。時曾國藩以兩江總督駐安慶，往遊，曾引為上賓，曰“海內奇士也”。不樂幕，欲自親事，謝去，回江西，參席寶田軍事，多所贊畫。時席寶田與江西巡撫沈葆楨不和，而沈又與兩江總督曾國藩有齟齬，兩為之釋嫌隙，靖大局。同治三年後復就曾國藩江寧。曾贈聯有“半杯旨酒待君溫”之

語，當在此時。同治四年曾移督直隸。此前，席寶田已爲叙功保知府。後公以家貧亦欲就官養母，遂入覲。約當同治六七年間“以知府發湖南候補”。初亦浮沉下僚累年。入光緒以後事，則分年紀之。生平事蹟詳見《散原精舍文集》卷五《巡撫先府君行狀》及《范伯子文集》卷九《故湖南巡撫義寧陳公墓誌銘》。

父諱三立，字伯嚴，號散原，右銘公長子。生於咸豐三年癸丑九月二十一日。第三畏，出嗣叔父，早卒。母黃夫人，光緒二十三年十二月卒於父右銘公湖南巡撫任所。二十四年秋，右銘公遭嚴譴，罷巡撫職。冬，遂攜家扶母柩浮江湖至南昌，於府城西四十里西山下葬母。右銘公即於墓旁築室以居，取青山字相並屬之義，名曰“靖廬”。二十六年四月，右銘公以微疾逝。西山者，《水經》贛水注名曰散原山。晚年自號散原，所以識隱痛也。事跡略見吳宗慈撰《陳三立傳略》及附錄（文載《國史館館刊》創刊號，民國三十二年十二月出版）。有關右銘中丞及父伯嚴事跡擇要錄入《事輯》中。

光緒元年乙亥(公元一八七五)

本年，先生祖父寶箴署湖南辰永沅靖道事。治鳳凰廳，曰鎮草（今湘西鳳凰縣）。爲湘西接近貴州境苗區，地處萬山中，民無所資生，教之植茶種竹匏薯爲糧。

先生姪女小從云：“聞竹垞老家乃山區，可耕地少，稻米不足，當地居民多種薯爲補。將薯匏絲曬乾，可久藏不

壤，食時可摻以大米蒸成飯。我家先世亦終年食此。故曾祖以教湘西山區人民倣效，以解決缺糧問題。”
明年九月以母喪去職，還長沙。服滿後二年始授新職。

光緒二年丙子(一八七六)

本年某月日先生長兄衡恪生。乳名師曾，後以爲字。

先生姪女小從云：“先父有題爲《春日食艾餅，因憶童年值大兄生日，輒採艾製餅，今大兄歿已七載，侍食窮山，觸感哀賦》詩。可見大伯父生日在舊曆上巳節前後。其時艾葉初生，吾鄉舊俗，喜採嫩艾葉和以糯米粉蒸餅餌食之。”

光緒六年庚辰(一八八〇)

七月，先生祖父寶箴改官河北道。父三立攜家侍父赴任。兄衡恪生母羅孺人中道病卒。（按此屬河南省之河北道，治武陟。）

《誥封一品夫人先妣黃夫人行狀》：“光緒六年，余父之官河北道，不孝前婦道病死。遺五歲兒衡恪，於是夫人躬抱持，夜取卧衾側，時其寒燠溲溺。”（《散原精舍文集》卷五）《故妻羅孺人行狀》：“孺人姓羅氏，世居武寧之洋井里。外舅惺四先生之長女也。年十九，外舅知酉陽州，贅余於官。（按事在同治十二年，時先生父散原二十一歲。）余父由湖南往官河北，余偕孺人從焉。次潁上之溜犢灣，而孺人病死矣。得年二十六，爲光緒

六年十月五日也。”(《散原精舍文集》卷一)

光緒八年壬午(一八八二)

春，先生祖父寶箴、父三立仍在武陟任所。

《弟繹年義述》：“君名繹，故名三畏。國子監生。後余三歲。父改官河北，於是涉河至武陟。尋又至杭州。九年，余父罷職，復居長沙。十四年四月七日以病卒。年三十一。”(《散原精舍文集》卷二)《劉鎬仲文集序》：“光緒壬午春夏間，先侍郎方分守河北道，君則依婦翁懷慶知府居河內。慈民先生(鎬仲父)嘗挈君過先侍郎武陟官舍，余適南歸，留長沙。”(《文集》卷七)

本年秋，先生父三立還南昌鄉試，中式。試後至長沙，就婚外家俞宅。先生生母也。

《繼妻俞淑人墓誌銘》：“淑人諱明詩，字麟洲。籍山陰，以父文葆公舉京兆，復爲宛平人。文葆公用知縣官湖南，有聲績，尋病痹廢。母梁夫人朝夕營護，甚憊。淑人弱小耳，番出代母。初余侍父分巡河北，歸應鄉試，道出長沙。故人李太守有棻之妻，淑人從姊也。李傳其妻之言曰：公子誠圖績娶者，無如吾妹賢。力媒合。於是試後就贅焉。淑人年十八也。明歲，余父獎其解文字，習禮曉大誼。余母悅其澹素，黜華飾。”(《散原精舍文集》卷十三)

本年秋，先生祖父寶箴擢浙江按察使，召對畢之官。

光緒九年癸未(一八八三)

春，先生祖父寶箴抵杭州，就浙江按察使職。僅數月，以前在河南省任內刑獄事被誣劾，免職。(詳見《巡撫先府君行狀》，《散原精舍文集》卷五)拂袖歸，還長沙。

范當世曰：“頗記光緒九年，得公與張君佩綸互評之稿，壹皆不識，而心袒公也。其後，公獨尚余之文學而託以孫。”(《故湖南巡撫義寧陳公墓誌銘》。“託以孫”謂使孫衡恪婚范氏。)

是年，先生兄衡恪八歲。

《長男衡恪狀》：“羅淑人道病卒。於是衡恪夕依余母寢，朝就余父識字，說訓誥。衡恪七歲至十歲，能作擘窠書，間作丹青，綴小文斷句，余父輒舉以誇示賓客，忘其為溺愛也。”(《散原文集》卷十三)

光緒十二年丙戌(一八八六)

先生父三立成進士。授吏部主事。(吳宗慈撰《陳三立傳略》。後簡稱《傳略》。)旋以待父告歸。

吳宗慈曰：“時先生尊人右銘中丞有政聲，先生恒隨侍左右，多所贊畫。藉與當世賢士大夫交遊，講學論文；慨然思維新變法，以改革天下。未嘗一日居官也。”

祖父寶箴自杭州任所還長沙後，自放山水間。明年(光緒十年)，湖南布政使龐際雲護巡撫，奏起寶箴，以病辭。十二年，兩廣總督張之洞復奏調至粵，任輯捕局，治羣盜。

《滄趣樓集》乙巳詩自注：“丁亥遊粵，遇先德右銘年丈於軍幕。”旋以大河決鄭州，詔府君襄塞河。而李文正公(名鴻藻，直隸高陽人)方持節河上，府君不任督工，度形勢，助謀畫而已。而李公傾倒府君自茲始。”(《行狀》)

按：河決鄭州，當在十三年夏秋間。

光緒十四年戊子(一八八八)

本年家屬仍居長沙。正月初四日，兄隆恪生。

光緒十五年己丑(一八八九)

十五年秋，湘撫王文韶疏薦“陳寶箴可大用”，召入都。明年，授湖北按察使。

按：王文韶於十四年二月再度任命為湖南巡撫，七月到任。本年六月，王文韶擢任雲貴總督，十月交卸湖南巡撫，赴新任。其奏保降調前浙江按察使陳寶箴在本年八月。見《清史列傳》卷六十四《王文韶傳》。公之離浙江任至是已六年。

光緒十六年庚寅(一八九〇)舊曆五月十七日(乙酉)，先生生於湖南長沙周達武宅；即唐劉蛻故宅地也。人民國後為周南女中。(此師昔年面告)時父伯嚴三十八歲，母俞二十六歲。兄隆恪三歲。

《散原精舍詩集》卷上《賦贈陶榘林》詩句云：“初憶逢君

蛻宅邊。”自注：“長沙周氏蛻園，即唐劉蛻故宅。”

先生祖父右銘公《僑寓湘中六十初度詠懷》詩自注：“時賃居長沙通泰街周達武提督宅，即唐劉蛻故宅地也。”

先生生寅年，祖母名之曰寅恪。（據黃萱記先生語）以名行。昔年樞嘗以字請，師語之曰：“憶聞，余生時適老人熊鶴村來，先祖擬以鶴壽字余，然此字未曾使用。”

《散原詩集》卷上《於舊篋得熊鶴村光祿遺墨感賦》詩：“九十老人揮手別，花飄雨斷歲華深。”又云：“獨公提攜謂我好，想得落筆從露襟。”

本年正月十八日，先生祖父右銘公六十初度，有《僑寓湘中（注已見前）六十初度避客人山詠懷》詩云：“羲和驅急景，六轡無時休。朱明變春暘。歛然驚已秋。人生百年內，蹙蹙欲何求。瑤池宴穆王。蛺蝶爲莊周。邯鄲一炊黍，赫赫公與侯。形骸託逆旅，過眼若雲浮。曠攬躡五嶽，渺然小九州。鴻荒復幾時，逝者皆蜉蝣。乘化無盡期，萬世同一漚。”（錄自師母手鈔稿。右銘公詩僅見此一首，故錄於此。）

先生祖父寶箴“授湖北按察使。視事三日，改署布政使。逾一年還任”。

按：十五年十一月張之洞任湖北總督，譚繼洵任湖北巡撫。《巡撫先府君行狀》云：“兩公頗異趣，要皆倚府君爲助。府君亦益發舒，用職事自效，然有不合必力諍，犯顏抗辯不少紕，兩公初不懌，卒輒從府君議也。”